

Inatsisissatut siunnersuummut nassuaatit

Nassuaatit nalinginnaasut

1. Aallaqqasiut

Naalakkersuisut suliffissarsiortunik aamma suliffissanik neqeroorutaasunik nalunaarsuinissa-
mut aqutsinissamullu atorneqartussamik, nuna tamakkerlugu suliffissanut nittartakkamik
2015-imi pilersitsinissamik pilersaaruteqarput.

UPA2015-imi inatsimmut allannguutissatut siunnersuut Inatsisartut akueraat, suliffeqann-
gitsut suliffissanut nittartakkamik atuisalernissaannik malitseqartussamik. Tamanna pivoq
kommunit aamma sulisitsisut sulisussat Kalaallit Nunaanni pissarsiarineqarsinnaasut pillugit
eqortumik takussutissinneqarsinnaaqqullugit.

Taamaattumik suliffissanut nittartagaq sapinggisamik pitsaanerpajutinniarlugu pilerinaa-
teqartinniarlugulu, siunnersummi matumani suliffissanut nittartakkap sulisitsisunit avataane-
ersunik sulisoqarnissamik kissaateqartunit pinngitsooranit atorneqartussanngortinneqassaaq.
Taamaaliornikkut qulakkeerneqarpoq Kalaallit Nunaanni suliffeqarneq tamarmi ilaatinneqar-
tassasoq sulisitsisup sulisussarsiornerani.

Qitiusumi paasiniaasarfimmik taamaasilluni pilersitsinikkut, qazugukkulluunniit taku-
neqarsinnaangorlugu suliffissat qanoq ittu sumilu sulisussarsiunneqarnersut periarfissaqarti-
tsilissaaq nuttarnerulersiniarnermut aningaasaliissutit ullumikkornit annertunerungaartumik
iluaqtigineqarsinnaalernissaat.

Suliffissat suuneri aammalu atorfinnut piukkunneqarsinnaanissamut ilinniartitaanerit
imaluunniit pikkorissarnerit suut suliffeqanngitsut piginnaaneqarfigissaneraat tamakkiisumik
takuneqarsinnaalerneranni, Piareersarfiiit aamma Suliffissarsiuussisarfiiit ilinniareernerimi
imaluunniit pikkorissareernerimi suliffeqalernissamut periarfissat suunersut ilitsersuussinissa-
mut pitsaanerujussuarnik periarfissaqalissapput.

2. Siunnersummi immikkoortut pingaarerit

Kalaallit Nunaannut suliffissarsiortut killilersimaarnissaat pillugu Inatsisartut inatsisaanni
(suliffissarsiortut killilersimaarneqarnissaannut inatsit) ataatsimik allannguisoqarpoq.

Sulisitsisunut atorfinnut inatsimmi maleruagassiivigineqartunut avataaneersunik sulisoqarnisamik kissaateqartunut, suliffisanut nittartakkap pinngitsoorani atorneqartussangortinneqarpoq.

Suliffissarsiortut nunatsinni nunaqvassisut suliffisanut nittartakkami sulisussarsiorluni allagarsiissutigineqartuni atorfinitssinneqartarnissaannik kissaateqarneq aallaavigalugu allannguteqarttsisoqarpoq, sulisitsisut suliffisanut nittartakkanik atuinerannut ataqtigiissillugu, Kalaallit Nunaat tamakkerlugu suliffissaaleqisut atorfinnut qinnuteqarnissamut periarfissaqartineqalissalutik.

Sulisitsisut nunatsinni suliffissarsiortunik nalilersuinermanni sulisussaminik naleqquttunik nassaarsinnaanngikkunik, avataaneersunik sulisoqarnissamut kommunimit akuersissummik qinnuteqarnissamut periarfissaqassapput. Avataaneerumik sulisussarsiornissamut kommunimut qinnuteqartoqarsinnaavoq sulisussarsiornerup quppersakkami allagarsiunneqarsimanera aamma nalaani.

Taamaattumik piffissap suliamik ingerlatsinermut atorneqartup sivisunerulerneranik kigungneqartussaanngilaq, tamanna suli ullunik 14-inik sivisussuseqassamat. Kommunilu suliffisanut quppersakkakkut pitsanerusumik periarfissaqarpoq kalaallinik sulisussanik sumiifissiniarnissaminut, nalilerneqaporlu suliaq taanna piffissap ullunik 14-inik sivisussusillip iluani naammassineqarsinnaasoq.

Suliffisanut nittartakkap pilersinneqarnissaanut atuutsinneqalernissaanullu suliaq suli ingerlanneqarmat, suliffisanut nittartakkap naammassillugu pilersinneqareernissaa sioqqullugu inatsisip atuutilersinnaanera aalajangersakkami sillimaffigineqarpoq. Allagarsiisarnissaq pilulu piumasaqaatit suliffissarsiortunik suliffisanillu neqeroorutaasunik nalunaarsuinissamut aqutsinissamullu atugassami nuna tamakkerlugu suliffisanut nittartakkami ilanngunneqartut, suliffisanut nittartagaq taamaattoq Naalakkersuisunit pilersinneqarsimappat, aatsaat atuutissapput. Piviusumik inatsisip allannguutaa taamaalilluni suliffisanut nittartagaq pilersinneqareerpat aatsaat atuutilissaaq.

Siunnersuut Inatsisartut inatsisaannut atuuttumut sanilliullugu	
	§ 1
	<p>1. § 5 kingorna ilanngunneqassaaq: ”§ 5a. Kommunalbestyrelsimit akuersissummik pissarinissamut piumasaqaataavoq atorfik, § 2-imi pineqartunut ilaasoq nuna</p>

	<p>tamakkerlugu suliffisanut nittartakkami, suliffissarsiortunik aamma suliffissanik neqeroorutaasunik nalunaarsuinissamut aqutsinissamullu Naalakkersuisunit pilersinneqartumi, taamaattumik pilersitsisoqarsimappat, inuttassarsiorlugu allagarsiissutigineqassasoq.”</p> <p><i>Imm. 2.</i> Atorfik suliffisanut nittartakkami minnerpaamik sapaatit akunnerini marlunni allagarsiissutigineqarsimassaaq.”</p>
<p><i>Imm. 3.</i> Akuersissut tunniunneqartutut isigneqassaaq qinnuteqartup qinnuteqaatimi tunniunneraniit ullut 14-it qaangiutsinnagit sulisitsisoq allamik nalunaarutisisimanngippat.</p>	<p>2. § 6, imm. 3, imatut oqaasertalerneqassaaq: ” <i>Imm. 3.</i> Qinnuteqartoq qinnuteqaatip tunniutereernerata kingorna ullut 14-it qaangiutsinnagit allatut nalunaarfigineqarsimangippat, qinnuteqaat akuerineqarsimasutut isigneqassaaq, taamaattoq takuuk § 5a.” ”</p>
	<p style="text-align: center;">§ 2</p> <p>Inatsisartut inatsisaat atuutilerpoq ulloq 1. januar 2016.</p>

3. Pisortanut aningaasaqarnikkut allaffissornikkullu sunniutaasussat

Aalaavittut siunnersuut pisortanut aningaasaqarnikkut allaffissornikkullu sunniuteqassanngitsaq naatsorsuutigineqarpoq.

4. Inuussutissarsiortunut aningaasaqarnikkut allaffissornikkullu sunniutaasussat

Allannguutissatut siunnersuutip sulisitsisut pisussaaffilerneqarput atorfiup inuttassarsiuunneqartup nuna tamakkerlugu suliffisanut quppersakkami allagarsiunnissaanut, tamatumalu ilutigisaanik nunanit allaniit sulisussarsiorsinnaanermut.

Suliffisanut nittartakkami atorfiiit inuttassarsiorlugit allagarsiissutigineqartut suliffeqannitsunut ingerlatsiteqqilluni paasissutissiissutigineqaannartussaammata sulisitsisunut immik-kut suliassaqarnerulissanngilaq, tassami suliffisanut allagarsiissutissat sulisitsisunit suliari-neqareersut suliffisanut nittartakkamut ikkutiinnarneqartussaapput. Tassalu suliffisanut nit-tartakkami allagarsiinissamut najoqqutassanik immikkullarissunik pilersitsisoqartussaanngilaq.

Taamaaliornikkut naliliisoqarpoq allannguut annikitsuinnarmik inuussutissarsiortunut aningaasaqarnikkut allaffissornikkullu sunniuteqassasoq.

5. Avatangiisirut, Pinngortitamut aamma inuit peqqissusaannut sunniutaasussat

Siunnersuut avatangiisirut, pinngortitamut aamma inuit peqqissusaannut sunniuteqartussatut naatsorsuutigineqanngilaq.

6. Innuttaasunut sunniutaasussat

Siunnersuut innuttaasunut ajunngitsumik sunniuteqassasoq naatsorsuutigineqarpoq. Nuna tamakkerlugu suliffisanut nittartakkami pinngitsoorani allagarsiisoqartalernerani, suliffissaaleqisut nunatsinni nunaqavissut amerlanerusut atorfiiit inuttassarsiorlugit Kalaallit Nunaanni allagarsiissutigineqartuni atorfinitissinnaanissamut periarfissaqalissapput.

7. Sunniutaasussat allat annertuut

Siunnersuut allanik annertuunik sunniuteqassasoq naatsorsuutigineqanngilaq.

8. Pisortaqarfinnut kattuffinnullu il.il. tusarniaaneq

Siunnersuut piffissami 18. maj 2015-imiit 22. juni 2015-imut Namminersorlutik Oqartussat tusarniaanermut nittartagaanniippoq.

Siunnersuut aamma tusarniaaffiusunut makkununnga toqqaannartumik nassiunneqarpoq:

GE - Sulisitsisut, NUSUKA, SIK, KANUKOKA, Kommuneqarfik Sermersooq, Qaasuitsup Kommunia, Qeqqata Kommunia, Kommune Kujalleq, IMAK, PIP, Sermitsiaq, ASG, Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik aamma Ilaqutariinnermut, Naligiissitaanermut Isumaginninnermullu Naalakkersuisoqarfik.

Tulliuttuni tusarniaanermut akissuteqaatit aamma allannguutissatut siunnersuutit tusarniaaner-
rup nalaani tiguneqartut sammineqassapput. Oqaatigineqassaaq tusarniaanermut akissute-
qaatit, *uingasunik* allassimasut, taamaallaat pingaaruteqassusaannik nalilersuineq tun-
ngavigalugit pingarnertiguinnaq issuarneqarmata.

Tusarniaanermut akissuteqaatit tamarmik tamakkiisunngorlugit Inatsisartuni
ataatsimiitaliamut suliarinnittussamut ilanngullugit nassiunneqarput.

Aningaasaqarnermut Naalakkersuisoqarfik siunnersuummut oqaaseqaatissaqanngilaq.

*Ilaqutariinnermut, Naligiissitaanermut Isumaginninnermullu Naalakkersuisoqarfik (ININ)
inatsisissatut siunnersuummut oqaaseqaatissaqanngilaq.*

Nuna tamakkerlugu suliffisanut nittartakkamik pilersitsisoqarniarnera KANUKOKA-p tusaa-tissatut tiguua. Taamaattoq KANUKOKA-p eqqaasitsissutigaa, immikkut aningaaasartuuteqarnerussutaasinnaasut taarserneqartussaasut, aammalu DUT-imut tunngaviusoq isumaqatigiissutigineqartoq innersuussutigalugu, taanna malillugu kommunit nutaanik imaluunniit amerlanerusunik suliakkersorneqassappata, taakkununnga taarsi-isoqartartussaavoq.

SIK inatsimmi allannguutaasunut tapersiisinnaavoq.

Kommuneqarfik Sermersuup uparuarpaa atortunik nutaanik Namminersorlutik Oqartussanit tunniunneqartussanik ikkussuinermut atatillugu aningaaasartuuteqartussaasoq.

Kommuneqarfik Sermersooq siunnersuummut tapersiivoq aammalu allalluni atorfiiit inut-tassarsiorlugit allagarsiissutigineqartut, avataaneersunik sulisoqarnissamik suliariinninnermut atatillugu allagarsiissutigineqarsimasut upternarsaateqartinnissaat siunnersuutip ajornannginnerulersittussaagaa, tassami suliffisanut nittartagaq sulisitsisut pinngitsooratik atortussaammassuk.

Sulisitsisut inatsimmi tunngavissarititaasut naammassisimaneraat kia nakkutigissaneraa, aammalu inatsisip unioqqutinneqarnerani kina pineqaatissiisussaanersoq, Sermitsiaq.AG-ip paaserusuppa.

Tamanna kommunimi pissaaq, tassami sulisussanik avataaneersunik atorfinitssinissamut kommunip akuersissutaanik kommunimut qinnuteqartoqartartussaammat. Taamatuttaaq kommuni, sulisussanik avataaneersunik qinnuteqaammik itigartitsinermigut, pineqaatissiisussaavoq.

Sermitsiaq.AG allappoq, suliffisanut nittartagaq suliffissarsiuussisarfimmut saniatigut suliakkersuisussaasoq. Taamatuttaaq oqaatigineqarpoq ingerlatsinermut, aserfallatsaaliuin-ermut nutarterinermullu annertuunik aningaaasartuuteqartoqassasoq.

Suliffissarsiuussisarfitt maannakkutut ilitsersuisussaammata aammalu suliffisanut inner-suussisartussaallutik, saniatigut suliakkersuutaassanngilaq. Paarlattuanik suliffissarsiortoq quppersakkami nalunaarsuiffimmuit ikkunneqareeraangat, aammalu nammineq suliffissarsiorsinnaa-lluni, suliassat annikillisussaapput. Suliffisanut nittartakkamut aningaaasartutit suliffeqarnermi innersuussisarnermut inatsimmi ilaatinneqarput, tassanilu suliffisanut nittartagaq inatsisitigut tunngavissaqartinnejarluni.

Sermitsiaq.AG aamma allappoq pisortat suliffisanut nittartagaannik atuinissamik pi-umasaqaatip, sulisitsisut kiffaanngissuseqarlutik aqutsinissaat akornuseraa, tassami taakkua

sulisussarsiniartarnissartik pilersaarusiorsinnaassanngimmassuk.

Siunnersuummi sulisitsisut sulisussarsiniartarnissaminnik pilersaarusiornissamut periarfissaat sunnerneqassanngillat. Namminersortut suliffisanut nittartagaasa aamma atuagassiani aviisinilu ussassaarutit atorneqarnissaat, aammalu qinnuteqartut atorfinni allagarsiissutigi-neqartuni atorfinitssinnejartussat namminneerluni toqqarnissaat, soorunami suli periarfissaas-saaq.

ASG allappoq sulisitsisup atorfiup allagarsiissutiginissaa pillugu piumasaqaat naammassi-simagaa qaqqugukkut oqartoqarsinnaanersoq nassuaatini allassimanngitsoq. Taamaalilluni atorfik qanoq sivisutigisumik allagarsiissutaasimassanersoq maleruagassinneqartariaqaralu-arpoq.

Oqaaseqaatit tusaatissatut tiguneqarput, aammalu nassuaatini tamanna erseqqinnerulersinne-qarpoq.

ASG aperivoq sulisitsisut internettimut attaveqarnersut sillimaffigineqarnersoq.

Sulisitsisut internettimut attaveqanngitsut kommunimut saaffiginninnissaminnik peri-arfissaqarput, tassani atorfimmut allagarsiissummik ilangussinissamut qarasaasiamik atu-gassinneqarsinnaallutik.

ASG allappoq suliffisanut nittartakkap atorneqarnera suliffissarsiortunut aamma sulisitsis-unut akeqanngitsoq nassuaatini allassimasariaqaraluartoq.

Tamanna nassuaatini erseqqissarneqarpoq.

Siunnersuut suliffissaaleqisunut qanoq annertutigisumik sunniuteqassanersoq kiisalu an-ingaasaqarnikkut sunniutaasussat qanoq annertutigissanersut allanneqarnissaat ASG-ip kissaatigaa.

Suliffissaqtitsiniarnermut periusissiamit tigulaakkani aningaasaqarnikkut sunniutaasussatut naatsorsuutigineqartut takutinneqarput. Suliffissaaleqisunut tunngatillugu sunniutaasussat pitsasut tassaassapput, sulisussanik avataaneersunik tikisitsinissamut taarsiullugu anner-tunerusumik nunaqvissunik sulisussanik sulisoqartoqartalissasoq.

Takussutissiaq 4. Suliffisanut nittartakkap, ilitsersuinerup pitsaaneru-sup aamma numaqvissunik sulisoqartarnerup atorneqarnerulerlererata sunniutai

2015

2016

2017

Ussassaarutit allagarsiissutigineqartut*	-	150	150
Aningaaasanut inatsimmi aningaaasaliineruneq **	+1,2	+1,2	+1,2
Pisortat aningaaasaataannut sunniutaasussat missiliorlugit (mio. kr.)			
Aningaaasartuutit	+1,2	+1,2	+1,2
Nuutat sipaardeqartut	0	-4,0	-6,3
Akileraarutitsigut isertitat	0	-4,8	-7,5
Pisortat aningaaasaataannut sunniutaasut ataatsimut katillugit	-1,2	-7,6	-12,6

Nassuaat: * Suliffisanut allagarsiissutit akunnittarfegarnermut suliassaqarfimmeersuussasut, sulissinermut suliassaqarfimmeersuussasut, illiorterternermut sanaartornermullu suliassaqarfimmeersuussasut pisortat suliassaqarfineersuussasut aamma aatsitassanut suliassaqarfineersuussasut ilmagineqarpoq. Naatsorsuinirerit sammineqarnerannut takuuq Ilanngussaq 4. Saniatigut suliffisanut allagarsiissutaasartussat amerlassusaannut missiliuinirerit annertoorujussuarmik nalorninartoqartinneqarput. Naatsorsuinerni kommunit aamma Namminersorlutik Oqartussat ataatsimut katillugit iluanaarutissaat takutinneqarput. ** Aningaaasassat IKT-mut periusissamit tunniunneqartut tassani ertsingillat.

Sermitsiaq. AG aamma ASG allapput siunnersuut suliassanik suliariinninnermut piffissamik sivisunerusumik atuititsisussaasoq.

Taamaattoqassasoq isumaqartoqanngilaq, tassami atorfip suliffisanut nittartakkami allagarsiissutigineqarneranut peqatigitillugu qinnuteqaat tunniunneqarsinnaammatt, tamatumalu kingorna atorfip suliffisanut nittartakkami allagarsiissutaanerata ingiaqatigisaanik, kommuuni atorfimmut suliffeqanngitsumik naleqquttumik nassaarniarnissamik periarfissinneqarluni, suliffisanut nittartakkami qinnuteqaateqartoqarsinnaavoq. Taamaalilluni piffissaq suliassanik suliariinninnermut atorneqartoq ullunik 14-inik sivisussuseqassaaq, ullumikkut suliassanik suliariinninnermut piffissap atorneqartartup assigalugu. Tamanna nassuaatini erseqqis-sarneqarpoq.

*GE allappoq inatsimmi allannguuteqartitsinermi atorfinititsiniarnerit ingerlasarnerisa pisariaqanngitsumik kinguarsarneqannginnissaat pingaaruteqarluuinnartoq.
Periaaseq atuutereersumut assingusoq siunnersuutigaat, taamaattoq imaalillugu kommunip suliffisanut nittartakkami atorfik allagarsiissutigisassagaa.*

Siunnersummut allannguutaasussatut siunnersuutigineqartoq akuerineqarsinnaanngilaq. GE-p allanneranut, GE-mi ilaasortaasut piukkunnartunik, maani najugaqartunik sulisussanik atorfinititsisarnissaq erseqqissumik soqutigisaraat. Sulisitsisut aamma atorfimmut allagarsiissutissap ilusilersornissaanut kiisalu piukkunnassuseqartutut ujartorneqartut erseqqissumik allan-nissaannut sulisitsisut naleqqunnerpaajupput. Taamaattumik sulisitsisut tassaasariaqarput suliffisanut nittartagaq aqqutigalugu Kalaallit Nunaanni suliffissaqartitsisussaasut.

Atorfip suliffisanut nittartakkami allagarsiissutigineqarneranut peqatigitillugu kommunimut akuersisummik qinnuteqartoqarsinnaammatt, taamaalilluni sulisitsisut saniatigut suliassanik suliariinninnermut piffissamik atuisassanngillat. Aamma naatsorsuutigineqartariaqarpoq sulisitsisut ullumikkut Kalaallit Nunaat tamakkerlugu assigiinngitsuni arlalinni atorfifit inuttas-

sarsiorlugit allagarsiissutigisaraat, taamaattoqarsimappallu suliffisanut nittartakkami allagarsiissutaasoq tamatumunnga ingiaqatigitillugu pisinnaasoq.

Tusarniaanermut akissuteqaatit arlallit suliffisanut nittartagaq unammilleqatigiinnermut equitsissasoq isumaqarlutik oqariartuutinik imaqarput. Taakkua ataatsimoortillugit matuma kinguliani sammineqarput.

IMAK allappoq suliffisanut nittartakkamik akeqanngitsumik atuinissaq, aviisinut tunngatilugu unammilleqatigiinnermut equitsisisussaasoq, taamaattumillu inassutigalugu suliffisanut nittartagaq akeqanngitsuussanngitsoq.

GE allappoq suliffisanut nittartagaq unammilleqatigiinnermut equitsisuussaasoq, aammalu suliffisanut nittartakkap namminersortut suliffisanut nittartagai tunngavissaarutsissagai.

GE tamatuma saniatigut allappoq siunnersuutip tusagassiuit naqiterneqartartut ilungersurnartumik inissitsissagai, aammalu kiffaanngissuseqartumik aamma arlaannaannulluunniit attuumassuteqanngitsumik tusagassiornermut piviusumik navianartorsiortsisinnasoq.

Sermitsiaq.AG taamatuttaaq allappoq, siunnersuut Kalaallit Nunaanni niuerfimmi namminersortunut neqerooruteqartartunut naleqqutinngitsumik unammillertitsisussaasoq. Sermitsiaq.AG tamatuma saniatigut isumaqarpoq pisortat suliffisanut nittartagaat tusagassiuit arlaannaannulluunniit attuumassuteqanngitsut isertitassaannut tunngaviusunut navianartorsiortsisussaasoq. Suliffisanut ussassaarutinit isertitat aaqqissuisut Sermitsiaq.AG-itut ittut attatiinnarneqarnissaannut aalajangiisuulluinnartumik pingaaruteqarput. Sermitsiaq.AG-p siunnersuut atuisinnaatitaanermik pinngitsaaliissummik taarsiissutitalimmik atuisinnaajunnaarsitsisutut isigaa, tassami naliliisoqarmat nuna tamakkerlugu suliffisanut nittartagaq akeqanngitsoq akuerineqassappat, tamanna isertitassaraluanik annaasaqarnikkut Sermitsiaq.AG-imut 2,5 mio. koruuninik akeqartussaammat.

Suliffissat ullumikkut tamanut ammasumik allagarsiissutigineqartanngitsut (imaluunniit qaqutiguinnaq allagarsiissutigineqartartut) allagarsiissutigineqartarnissaasa qulakkeerneqnissaa, suliffisanut nittartakkamut nutaamut siunertaavoq. Amerlanertigut ilinniagaqarsiimanngitsunut atorfii, suliffissaaleqisut amerlasuujummata, iluaqutaasumik sulisussanit nunavissunit inuttalerneqartarsinnaassapput.

Taamatuttaaq nunami namminermi suliffeqarnerup paasiniaaffiginissaanut misissornissaanullu, taamaalillunilu suliffissaaleqisut atorfinnut inuttaqanngitsunut Kalaallit Nunaanniittunut pitsaanerusumik ilitsersorsinnaanissaannut tulluartussarsiuussiffigineqarnissaannullu suliffisanut nittartagaq kommunit sakkussarissavaat.

Nierfimmi namminersortutut suliaqartut unammillerneqarnissaat siunnersuummi siunertari-neqanngilaq.

Ullumikkut Sermitsiaq.AG-ip niuernermik tunngaveqartumik suliffisanut nittartagaata atorneqarnerata saniatigut Namminersorlutik Oqartussat suliffisanut nittartagaat aamma Kalaallit Nunaanni Peqqinnissaqarfiup suliffisanut nittartagaa, atorneqarsinnaareerput. Atorfiiit amerlasuut Sermitsiaq.AG-imi aamma suliassaqarfinni suliffisanut nittartakkani inuttassarsiorlugit allagarsiissutigineqartarput, taamaalillunilu Sermitsiaq.AG-ip suliffisanut nittartakka-minni aningaasarsiorsinnaanissaannut siunnersuut akornusiinngilaq.

Taamatuttaaq kommunini atorfiiit inuttassarsiorlugit kommunip nittartagaani allagarsiissutigineqartarput, peqatigisaannillu taakkua aamma Sermitsiaq.AG-ip suliffisanut nittartagaani pissarsiarineqarsinnaallutik.

Taamaalilluni ullumi atorfinnik inuttassorsorneqartunik soqanngilaq taamaallaat Sermitsiaq.AG-ip suliffinnut nittartagaaniinnaq nassaarineqarsinnaasunik.

Suliaqaqtigiit atuagassiaannut ullumikkut atorfinnik inuttassorsiorlugit ussassaarutinik imaqartartunut tunngatillugu naliliisoqarpoq, taakkua maannakkutut ingerlaannassasut. Suliaqaqtigiit atuagassiaanni sulisussat naleqquttut atuartussat amerlanerusussaapput, taamaalil-lunilu sulisitsisut naleqqunnerusunik sulisussarsiniarnissartik qulakkeersinnaallugu.

Aammattaarlu Atuisartoqarnermut Unammilleqatigiinnermullu Aqutsisoqarfik naliliivoq nuna tamakkerlugu suliffisanut nittartagaq akeqanngitsoq, unammilleqatigiinnermut inatsimmi aalajangersakkanut akerliussanngitsoq.

Naliliisoqarpoq nuna tamakkerlugu suliffisanut nittartagaq, namminersortut suliffisanut nittartagaannut peqatigitillugu atuussinnaasoq, aammalu suliffisanut nittartagaq unammilleqatigiinnermut equtississanngitsoq.

Siunnersummi aalajangersakkanut ataasiakkaanut nassuaatit

§ 1-imut

Nr. 1-imut (§5a, imm. 1)

Sulisitsisut atorfinnut § 2, imm. 1-imi inatsimmi maleruagassiivigineqartunut avataaneersunik sulisoqarnissamut kissaateqartut, suliffisanut nittartagaq pinngitsooratik atortartussanngor-paat.

Atorfik inuttassarsiorlugu nuna tamakkerlugu suliffisanut nittartakkami allagarsiissutigi-neqarsimasoq uppernarsaatitut, sulisitsisup atorfimmut inuttassarsiorlugu allagarsiussamut linki ilanngullugu nassiuassinnaavaa.

Suliffisanut nittartakkamik atuineq sulisitsisunut, pisortaneersunut aamma namminersor-tunut, akeqanngilaq.

Suliffisanut nittartakkap pilersinneqarnissaanut suliap ingerlanera suli ingerlammat, suliffisanut nittartakkap inaarutaasumik pilersinneqareernissaa sioqqullugu inatsisip atuutilersin-naanera aalajangersakkami sillimaffigineqarpoq. Taamaalilluni suliffissarsiortunik aamma suliffissanik neqeroorutaasunik nalunaarsuinermut aqtsinermullu atugassamik nuna tamakkerlugu suliffisanut nittartakkami allagarsiissuteqartarnissaq pillugu piumasaqaat ilanngun-neqartoq, suliffisanut nittartagaq taamaattoq Naalakkersuisunit pilersinneqarsimappat, aatsaat atorneqalissaq.

Nr. 1-imut (§5a, imm. 2)

Sulisussanik avataaneersunik tikisitsinissamut akuersissummik tunniussisoqarsinnaanissaa sioqqullugu, atorfik inuttassarsiorlugu minnerpaamik sapaatit akunnerini marlunni suliffisanut nittartakkami allagarsiissutigineqarsimassaaq.

Tamatuma kingunerissavaa, sulisitsisup nuna tamakkerlugu suliffisanut nittartakkami sulisussarsiqluni allagarsiissutip tamanut saqqummiunnerata kingunitsianngua, kommunip akuersissutaanik qinnuteqarsinnaalissasoq.

Taamaalilluni sulisussanik avataaneersunik tikisitsinissamik qinnuteqaatip ingerlanneqarnerani, sulisussarsiqluni allagarsiussaq suliffisanut nittartakkami pissarsiarineqarsinnaassaaq.

Nr. 2-imut

Nalornisoqalernissaa pinngitsoortinniarlugu aalajangersagaq atuuttoq allatut oqaaser-taliorneqarpoq. § 5a-imut innersuussinermik ilanngussisoqarpoq, taamaalilluni qinnuteqartoq § 5a-imi piumasaqaatinik naammassinninngitsoq, ullut 14-it taakkua qaangiiunneranni akuer-sissummik pissarsisassanani.

§ 2-imut

Siunnersuutigineqarpoq inatsit ulloq 1. januar 2016 atuutilissasoq.